





序

博士之官昉於周末而莫盛於漢之西京初設官時不過取通古今備顧問而已自武帝罷黜百家專置五經於是博士之選嚴而博士之品日益尊孟喜從田王孫受易得易家候陰陽災變書博士缺衆人薦喜上間喜改師法遂不用張禹從施讐受易王陽膠東庸生問論語蕭望之奏禹經學精習有師法試為博士蓋博士之設所以宗師法也東漢之初雖增博士至十四人然自是巨後學尚兼通而顯門之業衰矣師法漸亂博士之官亦漸輕朱浮上書言詔書更試五人唯取見在洛陽城者是其不能廣求詳選在建武之世已然至和帝而博士倚席不講矣見樊傳故博士斷以西京為盛今即其散見於紀表志傳者彙而錄之猶可攷見師法于什一云績溪胡秉虔識



漢書百官公卿表云奉常秦官掌宗廟禮儀景帝中六年更名曰太常屬官有博士  
又云博士秦官掌通古今秩比六百石員多至數十人武帝建元五年初置五經博士宣帝黃龍元年稍增員十二人  
又云給事中亦加官所加或大夫博士議郎掌顧問應對位次中常侍  
又云秩比六百石以上皆銅印墨綬大夫博士御史謁者郎無  
儒林傳云孟喜從田王孫受易博士缺眾人薦喜上聞喜改師法遂不用

漢西京博士考卷上

漢立博士

績溪胡秉虔撰



漢書百官公卿表云奉常秦官掌宗廟禮儀景帝中六年更名曰太常屬官有博士

又云博士秦官掌通古今秩比六百石員多至數十人武帝建元五年初置五經博士宣帝黃龍元年稍增員十二人

又云給事中亦加官所加或大夫博士議郎掌顧問應對位次中常侍

又云秩比六百石以上皆銅印墨綬大夫博士御史謁者郎無儒林傳云孟喜從田王孫受易博士缺眾人薦喜上聞喜改師法遂不用



案傳不言何帝時事

後漢書朱浮傳上書有曰尋博士之官為天下宗師使孔聖之言傳而不絕舊事策試博士必廣求詳選爰自畿夏延及四方是呂博舉明經惟賢是登學者精勵遠近同慕

應劭漢官儀云博士秦官也武帝初置五經博士後增至十四人太常差選有聰明威重一人為祭酒總領綱紀其舉狀曰生事愛敬喪沒如禮通易尚書孝經論語兼綜載籍窮微闡奧隱居樂道不求聞達身無金瘡痼疾世六屬不與妖惡交通王侯賞賜行應四科經任博士下言某官某甲保舉見後漢書注

案漢書及漢官儀皆以博士為秦官然博士名官實不始於秦見後

又案漢表宣帝增員十二人此云十四人蓋據後漢言也祭酒亦後漢之制西京名僕射

漢書百官公卿表又云僕射秦官自侍中尚書博士郎皆有古者重武官有主射以督課之軍屯吏騶宰丞巷宮人皆有取其領事之號

司馬彪續漢書百官志云博士祭酒一人六百石本僕射中興轉為祭酒劉昭注胡廣曰官名祭酒皆一位之元長者也古禮賓客得主人之飯則老者一人舉酒以祭於地博士十四人比六百石本注曰易四施孟梁丘京氏尚書三歐陽大小夏侯氏詩三魯齊韓氏禮二大小戴氏春秋二公羊嚴顏氏掌教弟子國有疑事掌承問對本四百石宣帝增

秩

沈約宋書百官志云漢武初置五經博士宣成之世五經家法



稍增經置博士一人至東京凡十四人

案博士之舉不專文學後漢張酺傳郡吏王青者父隆為都尉功曹青為史與父俱從都尉行縣道遇賊隆以身衛全都尉遂死于難青亦被矢貫咽音聲流唱郡守呂青身有金瘡竟不能舉東京尚然西京可知

三國志王朗傳裴松之注載王朗節省奏云西京學官博士七千餘人

案王氏所言當統指博士弟子員也自武帝置博士弟子五十人昭帝增博士弟子滿百人宣帝末倍增之元帝設員千人成帝增至三千人此云七千餘人蓋在平帝即位王莽秉政時

諸帝博士

高帝 在位十二年

漢書本紀云五年諸侯王及太尉長安侯臣綰等三百人與博士稷嗣君叔孫通謹擇良日二月甲午上尊號

叔孫通傳云漢二年降漢從弟子百餘人漢王拜通為博士號稷嗣君與弟子共起朝儀七年拜通為奉常弟子悉召為郎儒林傳序云高皇帝誅項籍諸儒始得修其經學講習大射鄉飲之禮叔孫通作漢禮儀因為奉常諸弟子共定者咸為選首

惠帝 在位七年

史記孔子世家云孔鮒弟子襄為孝惠皇帝博士遷為長沙太守長九尺六寸

案漢長沙國有太傅無太守疑守字誤漢書作太傅家語



附錄亦作太傅遠祖漁隱公名仔字元任號荅溪漁隱孔子編年亦作

太傅編年多取世家則世家南宋本本作太傅可知

漢書孔光傳云孔襄為孝惠博士

案襄上脫子字後見本紀四年春三月除挾書律張晏曰秦律敵有挾

書者

文帝即位逾年為元年十七年為後元年七年崩凡在位二十三年

趙岐孟子章句題辭云孝文皇帝欲廣文學之路論語孝經孟

子爾雅皆置博士

案論語孝經孟子爾雅置博士惟見於此及劉歆移太常

書又舊唐書薛放書有云論語六經之菁華也漢時首列

於學官不知別有據否

漢書本紀云後元年詔曰其與丞相列侯吏二千石博士議之

有可臣佐百姓者率意遠思無有所隱

郊祀志云文帝召公孫臣拜為博士與諸生申明土德草改歷

服色事

又云使博士諸生刺六經中作王制謀議巡狩封禪事

楚元王交傳云文帝時聞申公為詩最精臣為博士又劉歆移

太常博士書曰孝文皇帝始使掌故朝錯從伏生受尚書尚

書初出於屋壁朽折散絕今其書見在時師傅讀而已詩始

萌芽天下眾書頗出皆諸子傳說猶廣立於學官為置博士

案諸子傳說即論語孝經孟子爾雅等也惜本紀不詳其

事博士姓名無可攷見

賈誼傳云河南守吳公言誼年少頗通諸家之書文帝召臣為

博士



儒林傳云韓嬰燕人也孝文時為博士燕趙間言詩者由韓生  
案戴氏震河間獻王傳經攷云文帝時詩始萌芽獨有魯  
詩蓋據楚元王交傳文帝聞申公為詩最精臣博士之語  
也然儒林傳又言韓嬰為博士則則文帝所立不僅魯詩

矣戴氏疑韓詩景帝時立

景帝即位逾年為元年八年為中元年十四年為後元二年崩凡在位十六年

漢書董仲舒傳云廣川人也少治春秋孝景時為博士

儒林傳序云孝景不任儒竇太后又好黃老術故諸博士具官  
待問未有進者

傳云轅固齊人也臣治詩孝景時為博士

又云胡毋生字子都齊人也治公羊春秋為景帝博士與董仲  
舒同業

武帝建元六年光元朔六年狩元鼎六年封元太初四年漢四太始四征和四後元二凡在位五十四年

漢舊儀云武帝初置博士取學通有修博識多藝曉古文爾雅

能屬文章者為之見太平御覽

案此言武帝初蓋謂建元五年臣前也本紀又言建元元  
年議立明堂遣使者安車蒲輪束帛加璧徵魯申公

漢書本紀云建元五年置經博士

案此趙岐孟子章句題辭所謂後罷傳記獨立五經也漢  
承秦後仍立博士之官武帝臣前但取通古今備顧問而  
已故或兼立傳記而五經反不全至是始定為五經博士

矣至今猶襲其名

又案本紀言置五經博士而贊云孝武初立卓然罷黜百  
家表章六經者顏師古曰六經謂易詩書春秋禮樂也然



當時實未立樂經博士以樂經已亡故而禮樂志云武帝立樂府采詩夜誦有趙代秦楚之謳呂李延年為協律都尉師古曰夜誦者其言辭或秘不可宣露故於夜中歌誦也按志載孔光何武等奏有夜誦員五人

又案本紀建元元年詔舉賢良方正直言極諫之士丞相

縮縮奏所舉賢良或治申商韓非蘇秦張儀之言亂國政

請皆罷奏可武帝罷黜百家表章六經殆權輿於此董仲舒對

策在元光元年後此六年

又案儒林傳贊云初書唯有歐陽禮后易揚春秋公羊而

已戴氏震謂齊魯韓詩已立文景之間故不言詩非也景

帝不嘗立公羊春秋乎贊臚四經者約略之辭耳

史記孔子世家云忠生武武生武延年及安國安國為今皇帝博

士至臨淮太守蚤卒

漢書孔光傳云忠生武及安國武生延年安國延年皆呂治尚

書為武帝博士

案尚書謂今文尚書也時古文尚書尚未施行而孔氏本

傳伏生今文尚書故為博士也世家呂安國亦武子不言

延年為博士皆與漢書異

公孫弘傳云菑川薛人也少時為獄吏年四十餘乃學春秋雜

說武帝初即位招賢良文學士是時弘年六十呂賢良徵為

博士使匈奴還報不合意乃移病免歸元光五年復徵賢良

文學菑川國復推上弘

本紀元朔五年夏六月詔曰蓋聞導民以禮風之曰樂今禮壞

樂崩朕甚閔焉故詳延天下方聞之士咸薦諸朝其令禮官



勸學講議洽聞舉遺興禮曰為天下先太常其議予博士弟子崇鄉黨之化曰厲賢材焉丞相弘公孫請為博士置弟子員學者益廣

儒林傳序云弘為學官悼道之鬱滯與太常臧臧博士平等請為博士官置弟子五十人復其身太常擇民年十八曰上儀狀端正者補博士弟子郡國縣官有好文學敬長上肅政教順鄉里出入不悖所聞令相長丞上屬所二千石二千石謹察可者常與計偕詣太常得受業如弟子一歲皆輒課能通一藝曰上補文學掌故缺其高第可曰為郎中太常籍奏即有秀才異等輒曰名聞其不事學若下材及不能通一藝輒罷之而請諸能稱者制曰可

贊云武帝立五經博士開弟子員設科射策勸曰官祿

案博士之有弟子員自此始

楚元王交傳劉歆移太常博士書曰至孝武皇帝然後鄒魯梁趙頗有詩禮春秋先師皆起於建元之間當此之時一人不能獨盡其經或為雅或為頌相合而成秦誓後得博士集而讀之故詔書稱曰禮壞樂崩書缺簡脫朕甚閔焉時漢興已七八十年離於全經固已遠矣及魯共王壞孔子宅欲曰為宮而得古文於壞壁之中逸禮有三十九書十六篇天漢之後孔安國獻之遭巫蠱倉卒之難未及施行及春秋左氏上明所修皆古文舊書多者二十餘通臧於秘府伏而未發

案孔安國獻之藝文志同唯荀悅漢紀作孔安國家獻之王氏鳴盛云宋本文選劉歆書亦有家字

本紀云元狩六年詔曰今遣博士大等六人分循行天下師古曰



也大

又云元鼎二年詔曰遣博士中等分循行諭告案中姓無攷

律歷志云元封七年漢興百二歲矣大中大夫公孫卿壺遂太

史令司馬遷等言歷紀壞廢宜改正朔是時御史大夫兒寬

明經術上迺詔寬曰與博士共議今宜何君為正朔服色何

上寬與博士賜等議案賜當即魯賜

案武帝元封之號止六年此云七年者蓋即太初元年也

漢因秦制以十月為歲首是年夏五月正歷始以正月為

歲首

食貨志云武帝遣博士褚大徐偃等分行郡國

郊祀志云武帝得寶鼎與公卿諸生議封禪用希曠絕莫知其

儀體而羣倫采封禪尚書周官王制之望祀射牛事迺令諸

儒

儒習射牛草封禪儀數年至且行天子既聞公孫卿及方士

之言黃帝呂上封禪皆致怪物與神通欲放黃帝呂接神人

蓬萊高世比德於九皇而頗采儒術呂文之羣儒既已不能

辯明封禪事又拘於詩書古文而不敢騁上為封詞器視羣

儒視讀羣儒或曰不與古同徐偃又曰太常諸生行禮不如

魯善周霸屬圖封事於是黜偃霸而盡罷諸儒弗用師古曰徐偃博

士姓名周霸亦人姓名也周霸亦博士姓名見儒林傳案

張湯傳云請博士弟子治尚書春秋補廷尉史平亭疑法奏讞

疑

昭帝 始元六元鳳六元平一凡在位十三年

漢書本紀始元五年詔曰朕初通保傳傳孝經論語尚書未云

有明其令三輔太常舉賢良各一人郡國文學高第各一人



儒林傳序云昭帝舉賢良文學增博士弟子員滿百人

案如紀云云則昭帝所增博士弟子員內當有大戴禮記  
孝經論語然史不言

孔光傳云孔霸字次孺治尚書昭帝末年為博士

後漢書卓茂傳李賢注云江生魯人江翁也昭帝時為博士號

魯詩宗

案傳言元帝時而注且為昭帝時攷昭帝時江氏之學寢  
微未聞有為博士者注云魯人江翁侶即指瑕丘江公尤

謬

宣帝

本始四地節四元康四神爵四五鳳四甘露四黃龍一凡  
在位二十五年

漢書本紀云甘露三年詔諸儒講五經同異太子太傅蕭望之  
等平奏其議上親制臨決焉迺立梁丘易大小夏侯尚書穀

梁春秋博士

案劉歆移太常博士書有云往者博士書有歐陽春秋公

羊易則施孟然孝宣皇帝猶復廣立穀梁春秋梁丘易大

小夏侯尚書侶施孟二家已立於甘露之前矣非也孟氏

當作氏儒林傳明云上聞喜改師法遂不用又云梁丘賀

薦讐詔拜為博士宣帝時易惟有施氏而孟易之立博士

不知何時大概宣帝以後儒林傳所謂白光翟牧皆為

博士也

儒林傳贊  
誤與此同

儒林傳云施讐從田王孫受易與孟喜梁丘賀竝為門人及賀  
為少府薦讐詔拜博士甘露中與五經諸儒雜論同異於石

渠閣

又云梁丘賀從京房受易房出為齊郡太守賀更事田王孫宣

氏上疑脫施字



帝時問京房為易明求其門人得賀賀時為都司空令坐事論免為庶人待詔黃門數入說教侍中呂召賀賀入說上善之呂賀為郎近幸為大中大夫給事中至少府傳子臨亦入說為黃門郎甘露中奉使問諸儒於石渠臨學精孰專行京房法王吉通五經聞臨說善之時宣帝選高材郎十人從臨講吉迺使其子駿上疏從臨受易

案據傳所云知講石渠者梁丘賀之子梁丘臨也想其時賀已歿矣則本紀所謂立梁丘易博士者亦臨可知

又云歐陽生字和伯事伏生授兒寬寬又受業孔安國歐陽大小夏侯氏學皆出於寬寬授歐陽生子世世相傳至曾孫高為博士高孫地餘以太子中庶子授太子後為博士論石渠案兒寬受業孔安國者今文尚書也故歐陽夏侯之學皆

出於寬蓋安國本傳今文尚書者家語後序云子國少學詩於申公受尚書於伏生長則博士覽經傳問無常師

又云林尊事歐陽高為博士論石渠

又云夏侯勝其先夏侯都尉從濟南張生受尚書呂傳族子始昌始昌傳勝勝又事同郡簡卿簡卿者兒寬門人勝傳從兄子建建又事歐陽高由是尚書有大小夏侯之學

案勝建皆為博士

又云周堪與孔霸俱事大夏侯勝霸為博士堪譯官令論石渠經為最高

又云張山拊事小夏侯建為博士論石渠授陳留假倉子驕倉臣謁者論石渠

又云王式為昌邑王師山陽張長安先事式後東平唐長賓沛



褚少孫亦來事式張生唐生褚生皆為博士張生論石渠初薛廣德亦事式臣博士論石渠

又云孟卿東海人事蕭奮以授后倉倉說禮數萬言號曰后氏曲臺記授沛間人通漢子方梁戴德戴聖沛慶普德號大戴為信都太傅聖號小戴臣博士論石渠至九江太守通漢臣太子舍人論石渠

又云瑕丘江公受穀梁春秋及詩於魯申公傳子至孫為博士武帝時江公與董仲舒並仲舒通五經能持論善屬文江公叻於口上使與仲舒議不如仲舒而丞相公孫弘本為公羊學比輯其義卒用董生於是上尊公羊家詔太子受公羊春秋太子既通復私問穀梁而善之其後寢微唯魯榮廣王孫皓星公二人受焉廣盡能傳其詩春秋高材捷敏與公羊大

師眭孟論數困之故好學者頗復受穀梁沛蔡千秋少君梁周慶丁姓皆從廣受千秋又事皓星公為學最篤宣帝即位間衛太子好穀梁春秋以問丞相韋賢少府夏侯勝及侍中樂陵侯史高皆魯人也言穀梁子本魯學公羊氏迺齊學也宜興穀梁時千秋為郎召見與公羊家並說上善穀梁說擢千秋為諫大夫給事中後有過左遷平陵令復求能為穀梁者莫及千秋上愍其學且絕迺召千秋為郎中戶將選郎十人從受汝南尹更始翁君本自事千秋能說矣會千秋病死徵江公孫為博士劉向臣故諫大夫通達待詔受穀梁欲令助之江博士復死迺徵周慶丁姓待詔保宮使卒授十人自元康中始講至甘露元年積十數歲皆明習迺召五經名儒太子太傅蕭望之等大議殿中評公羊穀梁同異各臣經處



是非時公羊博士嚴彭祖侍郎申軌伊推宋顯穀梁議郎尹  
更始待詔劉向周慶丁姓竝論公羊家多不見從願請內侍  
郎許廣使者亦竝內穀梁家中郎王亥各五人師古曰使者  
謂當時詔遣  
監議者也內外引入議所也公羊家議二十餘事望之等十  
既請內許廣而使者因竝內王亥也  
一人各以經誼對多從穀梁由是穀梁之學大盛慶姓皆為  
博士

案瑕丘江公世傳穀梁春秋子亦不顯至孫乃為博士或  
據儒林申公傳韋賢治詩事博士大江公之語謂瑕丘江  
公已為博士因疑傳子至孫為博士言公及子孫三代俱  
為博士耳今攷之非也瑕丘江公當武帝時既且口訥為  
董仲舒公孫弘所絀矣何時更為博士傳云卒用董生則  
江公之未用可知傳又云其學寢微則其子之未嘗為博

士益毋庸辨且不讀儒林傳贊乎曰初書唯有歐陽禮后  
易揚春秋公羊而已至孝宣世更立大小夏侯尚書大小  
戴禮施孟梁丘易穀梁春秋是宣帝目前無穀梁博士班  
氏已明言之蓋申公傳上言瑕丘江公下乃言博士大江  
公博士大江公本指瑕丘江公之孫江博士而言稱大者  
所自別於後人之為博士如後書卓茂傳博士江生之類  
也晉灼曰大江公即瑕丘江公也以異下博  
士江公故稱大望文為訓耳未詳攷也但傳言宣帝

善穀梁徵江公孫為博士江博士復死迺徵周慶丁姓使  
卒授十人自元康中始講至甘露元年皆明習則江公孫  
之為博士在石渠會講以前數十年惜本紀不詳至本紀  
云甘露三年迺立穀梁春秋博士則絕而復立即此傳所  
謂慶姓皆為博士也裴松之注三國志引華歆表云漢室  
嘉江公之德用顯其世其意目為江



公為儒宗宣帝呂其孫為博士鄭  
康成為儒宗亦當顯其孫小同也

德清戴氏

又云嚴彭祖與顏安樂俱事睦孟彭祖為宣帝博士仕至左馮  
翊遷太子太傅

贊云至孝宣世復立大小夏侯尚書大小戴禮施孟梁丘易穀  
梁春秋

案小戴為博士已見傳中立大戴博士唯見此贊及藝文  
志蓋后倉已卒大小戴皆后氏弟子也

藝文志云秦燔書禁學伏生壁藏之漢興亡失求得二十九篇  
臣教齊魯之間訖孝宣世有歐陽大小夏侯氏立於學官

又云魯高堂生博士禮十七篇訖孝宣世后倉最明戴德戴聖  
慶普皆其弟子三家立於學官

案宣帝立慶氏博士唯見於此

蕭望之傳云是時選博士諫大夫通政事者補郡國守相

儒林傳序云昭帝舉賢良文學增博士弟子滿百人宣帝末倍

增之

後漢書翟酺傳云為大匡上言孝文皇帝始置五經博士武帝  
大合天下之書而孝宣論六經於石渠學者滋盛弟子萬數  
李賢注云武帝建武五年始置五經博士文帝末遑庠序之  
事酺之此言不知何據宣帝甘露三年詔諸儒講五經於殿  
中兼平公羊穀梁同異時更崇穀梁故言六經也昭帝時博  
士弟子員百人宣帝末倍增之元帝時詔無置弟子員以廣  
學者故言萬數也

元帝初元五末光五建昭五竟甯一凡在位十六年

漢書師丹傳云治詩事匡衡舉孝廉為郎元帝末為博士

長雷閣正本



儒林傳云王式授山陽張長安幼君又云張生兄子游卿為諫大夫呂詩授元帝其門人琅邪王扶為泗水中尉陳留許晏為博士由是張家有許氏學

贊云至元帝世復立京氏易

執文志云易漢興田何傳之訖於宣元有施孟梁丘京氏列於學官

本紀云建昭四年夏四月詔遣諫大夫博士賞等二十一人循行天下存問耆老鰥寡孤獨因之失職之人舉茂材特立之士

又云初元五年夏詔博士弟子毋置員以廣學者

又云允光三年冬復博士弟子員

案儒林傳序云元帝好儒能通一經者皆復數年呂用度

不足更為設員千人郡國五經百石卒史

後漢書卓茂傳云元帝時學於長安事博士江生習詩禮及歷

算究極師法

李賢注江生魯人江翁也昭帝時為博士號魯詩宗

案宣帝時瑕丘江公之孫江博士死此江生豈江博士之後乎或元帝呂江氏世守家學復立生為博士而漢書失

載耳注謬已見前

成帝

建始四河平四陽朔四鴻嘉四永始四元延四綏和二凡在位二十六年

漢書本紀云河平四年遣光祿大夫博士嘉等十一人行舉瀕

河之郡

又云陽朔二年秋關東大水流民欲入函谷天井壺口五院關者勿苛留遣諫大夫博士分行視奉使者不稱詔曰古之立太學將以傳先王之業流化於天下也儒林之官四海淵原



宜皆明於古今温故知新通達國體故謂之博士否則學者無述焉為下所輕非所召尊道德也工欲善其事必先利其器丞相御史其與中二千石二千石雜舉可充博士位者使卓然可觀

又云鴻嘉二年春三月博士行飲酒禮有雉雉集於庭歷階升

禮樂志云成帝時諸者常坐其弟子受河間樂能說其義其弟子宋昌華等上書言之下大夫博士不當於寺於詔

禮樂志云成帝初丞相御史白博士許商治尚書善為算能度

功用遺行視

刑法志云成帝河平中詔中二千石二千石博士及明律令者

議減死刑

孔光傳云成帝初即位舉為博士數使錄冤獄行風俗振贍流民奉使稱旨是時博士選三科高第為尚書次為刺史其不

通政事且久次補諸侯太傅光且高第為尚書

儒林傳序云成帝末或言孔子布衣養徒三千人今天子太學弟子少於是增弟子員三千人歲餘復如故

案弟子員蓋謂博士弟子員也困學紀聞云晉灼曰西京無太學公孫弘曰請因舊官而興焉其肄業之地則太常

也傳授之師則五經博士也三輔黃圖漢太學在長安西北七里關中記在安門之東杜門之西何武歌太學下王

咸舉幡太學下則有太學矣或曰晉灼且漢初言黃圖記

武帝時閻徽士若璩云漢書但武帝雖因董仲舒之言對策

曰願陛下興太學置明師且養天下之士然賈山至言己有願且夏歲二月定明堂造太學修先王之道語特文帝

未假行耳而興太學然實未嘗別設官置弟子員也故知儒林

傳贊云所太學弟子仍是博士弟子耳



後漢書伏湛傳云九世祖勝字子賤所謂濟南伏生者也父理為當世名儒臣詩授成帝時為高密太傅別自名學湛少傳父業教授數百人成帝時臣父任為博士弟子

案本紀河平三年光祿大夫劉向校中秘書謁者陳農使求遺書於天下師古曰言令陳農為使使求遺書也

哀帝建平四元壽二凡在位六年

漢書本紀云博士弟子父母死予甯三年師古曰甯謂處家持喪服

楚元王交傳云歆親近欲建立左氏春秋及毛詩逸禮古文尚

書皆列學官哀帝令歆與五經博士講論其義諸博士或不

肯置對歆因移書太常博士責讓之

平帝元始五凡在位五年

漢書本紀云元始五年詔羲和劉歆等四人使治明堂辟廡令

漢與文王靈臺周公作洛同符徵天下通知逸禮古記天文  
歷算鐘律小學史篇方術本草及臣五經論語孝經爾雅教  
授者在所為駕一封軺傳遺詣京師至者數千人

案如紀所云則論語孝經爾雅時當置博士矣然史不言  
藝文志云周官經六篇王莽時劉歆置博士

儒林傳序云平帝時王莽秉政增元士之子得受業如弟子勿  
臣為員歲課甲科四十人為郎中乙科二十人為太子舍人  
丙科四十人補文學掌故

贊云平帝時又立左氏春秋毛詩逸禮古文尚書所臣周羅遺  
失兼而存之是在其中矣

案傳贊雖有此語而四家博士姓名無可攷

王莽傳云平帝四年奏起明堂辟廡靈臺為學者築舍萬區作



市常滿倉制度甚盛立樂經並博士員經各五人徵天下通一執教授十一人且上及有逸禮古書毛詩周官爾雅天文圖讖鐘律月令兵法史篇文字通知其意者皆詣公車網羅天下異能之士至者前後千數皆令記說庭中將令正乖謬壹異說云

後漢書蘇竟傳云平帝世且明易為博士講書祭酒善圖緯能通百家之言

王充論衡效力篇云王莽之時省五經章句皆為二十萬博士弟子郭路夜定舊說死於燭下

漢王國博士

河間獻王

漢書景十三王傳云孝景皇帝栗姬生河間獻王德且孝景前

二年立脩學好古實事求是從民間得善書必為好寫與之留其真加金帛賜且招之繇是四方道術之人不遠千里或有先祖舊書多奉且奉獻王者故得書多與漢朝等所得書皆古文先秦舊書周官尚書禮記孟子老子之屬皆經傳說記七十子之徒所論其學舉六藝立毛氏詩左氏春秋博士修禮樂被服儒術造次必於儒者

鄭君詩譜云魯人大毛公為訓詁傳於其家河間獻王得而獻之且小毛公為博士

漢書儒林傳云毛公趙人治詩為河間獻王博士

鄭君六藝論云獻王號之

曰毛詩見毛詩正義

案陸璣毛詩草木疏云荀卿授魯國毛亨

經典叙錄云河間人一云魯人

作詁訓傳以授趙國毛萇時人謂亨為大毛公萇為小毛



公今傳云毛公趙人則為獻王博士者小毛公長也與詩譜合

又云賈誼為左氏傳訓故授趙人賈公為河間獻王博士

案百官公卿表云景帝中五年令諸侯王不得復治國天子為置吏改丞相曰相省御史大夫廷尉少府宗正博士官則獻王之立毛氏左氏博士蓋在初就國時

漢臣前博士

魯

史記循吏傳云公儀休者魯博士也

案孟子載淳于髡曰魯繆公之時公儀子為政子柳子思為臣趙岐以為公儀休攷孟子未及受業於子思而休與子思同時則休當在孟子目前數十年繆公魯世家作穆

宋 公穆公名顯哀公曾孫哀公卒後五十八年立

褚少孫補史記龜策傳云宋元王博士衛平

案宋至偃始稱王即為齊魏楚所滅目前祇有平公之子佐謚元公呂魯昭公十年立二十五年薨但春秋傳未見有博士之稱此傳宋元王當是宋王偃之誤宋王偃或亦作宋偃王

魏

漢書賈山傳云祖父祛故魏王時博士弟子也師古曰六國時魏也

秦

史記封禪書云始皇即帝位三年東巡郡縣祠騶嶧山頌秦功業於是徵從齊魯之儒生博士七十人至乎泰山下諸儒生或議曰古者封禪為蒲車惡傷山之土石草木埽地而祭席



用菹藉言其易導也始皇聞此議各乖異難於用由是絀儒  
生而遂除車道上自秦山陽至巔立石頌秦始皇帝德明其  
得封也始皇之上秦山中阪遇暴風雨休於大樹下諸儒生  
既絀不得與用於封事之禮間始皇遇風雨則譏之

案此焚阮之禍所自起也鄙儒不知時變宜為叔孫子所  
譏耳

漢書藝文志儒家羊子四篇注云百章故秦博士

又名家黃公四篇注云名疵為秦博士

案此注皆班氏自作

叔孫通傳云薛人也

晉灼曰楚漢春秋名何

秦時呂文學徵待詔博士數

歲陳勝起二世召博士諸儒生問曰楚成卒攻斬入陳於公  
何如博士諸生三十餘人前曰人臣無將將則反罪死無赦

願陛下急發兵擊之二世怒作色通前曰諸生言皆非夫天

下為一家毀郡縣城鑠其兵視讀天下弗復用且明主在上

法令具於下吏人人奉職四方輻湊安有反者此特羣盜鼠

竊狗偷何足置齒牙間哉郡守尉令捕誅何足憂二世喜盡

問諸生諸生或言反或言盜於是二世令御史按諸生言反

者下吏非所宜言言盜者皆罷之迺賜通帛二十疋衣一襲

拜為博士

京房傳云昔秦時趙高用事有正先者非刺高而死高威自此

成故秦之亂正先趣之

孟康曰姓正名先秦博士也

儒林傳云伏生濟南人也

張晏曰名勝伏生碑云也

故為秦博士

陳留風俗傳云圜公為秦博士避地南山漢祖聘之不出惠太

子即位以圜公為司徒

見顏師古匡謬正俗



案此即商山四皓之一也他書多作園公

德清戴氏

陳涉

史記孔子世家云孔鮒為陳涉博士死於陳下

又儒林傳云陳涉之王也而魯諸儒持孔氏之禮器往歸陳王

於是孔甲為陳涉博士卒與涉俱死徐廣曰孔子八世孫名鮒字甲

案徐氏以鮒為孔子八世孫者從伯魚數起至鮒八世也

攷孔光傳孔子十四世孫也王氏鳴盛云十四世乃連前

後并及身而總言之後人言譜牒者當以此為例則注孔

鮒者當云孔子九世孫乃錢氏大昕有云孔子世家鮒弟

子襄子襄生忠是子襄為鮒弟矣孔光傳鮒弟子襄襄生

忠則襄為鮒弟之子矣孔光為孔子十四世孫鮒襄各為

一世乃合十四之數世家蓋衍一子字錢氏之說正與徐

合亦從伯魚數起也二說不同攷漢書古今人表孔襄注

云孔鮒弟子與錢說合至藝文志注師古曰家語云孔騰

字子襄後以字行遂曰孔襄耳

又案陳涉置博士不過如公孫述之有博士吳柱耳本不

足數但孔鮒乃夫子九世孫慨然受其祿卒以身殉焉可

不書太史公曰陳涉起匹夫驅瓦合適成旬月呂王楚不

滿半歲竟滅亡其事至微淺然而搢紳先生之徒負孔子

禮器往委質為臣者何也呂秦焚其業積怨而發憤於陳

王也

漢西京博士攷一

終

長雷閣正本



漢西京博士考卷下

績溪胡秉虔撰

易

楊何 字叔元潯川人初魯商瞿子木受易孔子以授魯  
 橋庇子庸子庸授江東馯臂子弓子弓授燕周醜子家子  
 家授東武孫虞子乘子乘授田何子裝漢興田何呂齊田  
 徒杜陵號杜田生授東武王同子中雒陽周王孫丁寬齊  
 服生皆箸易傳同授楊何武帝元光中徵為大中大夫見  
 儒林傳

案傳不言楊何為博士而贊有禮后易楊之語何也攷  
 武帝六年改元元光豈何先為博士後為大中大夫而  
 傳略之與



田王孫 碭縣人受易於丁將軍寬為博士授施讐孟喜梁丘賀見儒林傳

施 讐 字長卿沛郡人受易於田王孫常稱學廢不教授及梁丘賀為少府事多迺遣子臨分將門人張禹等從讐問讐自匿不肯見賀固請不得已迺授臨等於是賀薦讐結髮事師數十年賀不能及詔拜讐為博士宣帝甘露中與五經諸儒雜論同異於石渠閣授張禹魯伯見儒林傳張 禹 字子文河內軹縣人至禹父徙家蓮白壯至長安從施讐受易琅邪王陽膠東庸生問論語皆明習宣帝甘露中薦試博士仕至丞相封安昌侯弟子尤著者彭宣戴崇禹為論語章句始魯扶卿及夏侯勝王陽蕭望之韋元成皆說論語篇第或異禹先事王陽後從庸生采獲所安

最後出而尊貴由是學者多從張氏餘家浸微見本傳

案禹之易初從梁丘賀受後從施讐受見儒林傳而其學卒曰論語顯釋文敘錄曰禹受魯論於夏侯建又從庸生王吉受齊論擇善而從號曰張侯論曰授成帝禹受學夏侯建漢書本傳及儒林傳皆不載僅見於此建之學本出於勝勝與魯扶卿蕭望之韋元成傳魯論者也王陽膠東庸生傳齊論者也張侯論出而二論始合為一矣至後漢鄭康成就魯論篇章攷之齊古而為之注而三論皆合為一矣今所傳本是也王吉字子陽故亦曰王陽見後

彭 宣 字子佩淮陽陽夏人治易事張禹為博士仕至大司空封長平侯會哀帝崩王莽秉政乞骸骨歸見本傳



白光翟牧 光字少子東海人牧字子兄沛人皆從  
孟喜受易為博士喜字長卿東海蘭陵人父孟卿善為禮  
春秋授后倉疏廣世所傳后氏禮疏氏春秋皆出孟卿孟  
卿臣禮經多春秋煩雜迺使喜從田王孫受易喜好自稱  
譽得易家候陰陽災變書詐言師田生且死時枕喜郝獨  
傳喜諸儒臣此耀之同門梁丘賀疏通證明之曰田生絕  
於施讐手中時喜歸東海安得此事又蜀人趙賓好小數  
書後為易飾易文臣為箕子明夷陰陽氣亡箕子箕子者  
萬物方萌滋也賓持論巧慧易家不能難皆曰非古法也  
云受孟喜喜為名之後賓死莫能持其說喜因不肯復臣  
此不見信博士缺眾人薦喜上聞喜改師法遂不用見儒  
林傳兄音況

案三家之易喜最高而同門梁丘賀嫉之眾人薦喜公  
論也喜改師法誣詞也上者宣帝也宣帝何自而聞賀  
方為少府近幸故也於是詔拜施讐為博士矣然未久  
而孟喜之易終立於學官弟子白光翟牧皆為博士至  
漢末而許慎荀爽虞翻諸人豈明其學梁施之易皆亡  
於梁慎孟氏章句隋唐志猶載之今全書雖佚而許君  
說文解字序自言稱易孟氏則書中所用皆孟易也漢  
儒易說傳於今者荀爽最夥亦皆孟氏易義也且遺文  
斷句椒見於陸德明釋文孔穎達正義李鼎祚集解呂  
祖謙音訓朱震漢上易傳以及唐一行歷議羅革路史  
注王應麟困學紀聞所徵引者尚多可攷抑於一時而  
伸於千載於以見權勢之無常而學術之自有真也



白子友 見朱雲傳或即孟喜弟子白光

朱雲 字游魯人徙平陵四年十從博士白子友受易又  
事前將軍蕭望之受論語皆能傳其業元帝時少府五鹿  
充宗貴幸為梁丘易自宣帝善梁丘氏說元帝好之欲攷  
其異同令充宗與諸易家論充宗乘貴辯口諸儒莫能與  
抗皆傅疾不敢會有薦雲者召入攝齋登堂抗首而請音  
動左右既論難連柱五鹿君故諸儒為之語曰五鹿嶽嶽  
朱雲折其角繇是為博士見本傳

嚴望 嚴元 九江人元字仲能望兄子也皆傳朱雲

學為博士望仕至泰山太守見朱雲傳

士孫張 字仲方平陵人從五鹿充宗受梁丘易為博士仕  
至揚州牧光祿大夫給事中見儒林傳

梁丘臨 琅邪諸人梁丘賀子也賀字長翁從大中大夫京  
房受易房者淄川楊何弟子房出為齊郡太守賀更事田  
王孫宣帝時聞京房為易明求其門人得賀召入說上善  
之且筮有應近幸仕至少府事多遣子臨從施讐受業為  
黃門郎甘露中奉使問諸儒於石渠臨學精孰專行京房  
法琅邪王吉通五經聞臨說善之時宣帝選高材郎十人  
從臨講吉迺使其子郎中駿上疏從臨受易臨亦仕至少  
府見儒林傳

案顏師古注云此別一京房非焦延壽弟子為課吏法  
者或書字誤耳不當為京房攷焦延壽弟子當元帝時  
而此在宣帝之前其為別一人無疑  
又案史不言梁丘臨為博士然儒林傳贊有宣帝立梁



丘易之語其時賀已前歿而臨講石梁則為博士者當即臨也

殷 嘉 姚 平 乘 宏 嘉東海人平河東人宏河南人皆從京房受易為博士房字君明東郡頓丘人本姓李推律自定為京氏治易事梁人焦延壽延壽自云嘗從孟喜問易會喜死房自為延壽易即孟氏學翟牧白生不肯皆曰非也至成帝時劉向校書攷易說曰為諸家皆祖田何楊叔丁將軍大誼略同唯京氏為異黨延壽獨得隱士之說託之孟氏不與相同房自明災異得幸為石顯所譖誅見本傳及儒林傳黨讀儻

案京房傳云延壽字贛而師古注儒林傳又云延壽其字名贛未知別有據否此白生即白光也翟白皆孟喜

弟子京氏立於元帝之世見儒林傳贊

又案藝文志京氏段嘉十二篇師古曰即京房所從受易者也見儒林傳及劉向別錄然據儒林傳則嘉受易於房非房受易於嘉也顏氏誤矣况志明云京氏段嘉嘉書而冠曰京氏尤可為嘉從房受之證唯傳作殷嘉志作段嘉不知誰誤

蘇 竟 字伯況扶風平陵人平帝世以明易為博士講書祭酒善圖緯能通百家之言光武時仕至代郡太守見後漢書本傳

案蘇竟明易不言何氏又祭酒乃中興以後之稱西京名僕射傳殊疏畧

尚書



張生 濟南人史失其名從伏生受尚書為博士授夏侯  
都尉伏生名勝亦濟南人故秦博士文帝時求能治尚書  
者天下亡有聞伏生治之欲召時伏生年九十餘老不能  
行於是詔太常使掌故朝錯往受之秦時焚書伏生壁臧  
之其後大兵起流亡漢興伏生求其書亡數十篇獨得二  
十九篇教濟南張生及歐陽生張生為博士見儒林傳師  
古注引衛宏定古文尚書序云伏生老不能正言言不可  
曉使其女傳言教錯齊人語多與潁川異錯所不知者凡  
十二三畧且其意屬讀而已

案此乃漢儒傳經之法也謂之師法亦曰家法古人字  
少聲近之字皆相段借或同言異字或同字異言非口  
授不明故史漢傳儒林必詳其授受而梁丘賀遣子臨

門人張禹從施讐問夏侯建從五經諸儒問司馬遷從  
孔安國問也師法廢而綴學之士鄉壁虛造望文生義  
說之愈長而去之愈遠矣漢儒無無師之學古文尚書  
初出孔安國以今文讀之因且起其家使無今文則安  
國亦不能傳也春秋家鄒氏無師其傳遂泯鄭君康成  
於書止注伏孔皆有之二十九篇於禮止注與高堂生  
所傳同之十七篇而餘篇不注亦且無師法故耳揚子  
雲云一闕之市必立之平一卷之書必立之師而況經  
乎後出書序乃謂伏生失其本經口以傳授攷儒林傳  
云秦人焚書伏生壁臧之漢定伏生求其書得二十九  
篇以教於齊魯之間藝文云書家經二十九卷注云大  
小夏侯二家又云歐陽生經三十二卷皆伏生之本經



也何嘗失哉

歐陽高 歐陽地餘 高字子陽千乘人地餘字長賓高孫也其先歐陽生史失其名字和伯從伏生受尚書臣授兒寬寬又臣郡國選詣博士高孫地餘臣太子中庶子授太子後為博士論石渠見儒林傳

案後漢書儒林歐陽歆傳云自歐陽生傳伏生尚書至歆八世皆為博士釋文敘錄同是歐陽氏之為博士不始於高矣然漢書明云伏生教濟南張生及歐陽生張生為博士則歐陽生未為博士可知又云兒寬授歐陽生子世世相傳至曾孫高為博士則高臣上皆未為博士可知范氏之言不知何據陸德明蓋仍其誤又案歐陽高說文引作歐陽喬下

林尊 字長賓濟南人事歐陽高為博士論石渠後至少府太子太傅授平當翁生見儒林傳

平當 字子思祖父臣訾百萬自下邑徙平陵當少為大行治禮丞臣明經為博士哀帝時仕至丞相臣冬月賜爵關內侯見本傳授朱普鮑宣見儒林傳

殷崇 琅邪人與楚國龔勝皆從翁生受尚書崇為博士見儒林傳

朱普 字公文九江人與上黨鮑宣皆從平當受尚書普為博士見儒林傳

夏侯勝 夏侯建 勝字長平東平人建字長卿勝從父兄子也其先夏侯都尉從濟南張生受尚書臣傳族子始昌始昌通五經勝少孤從始昌受尚書及洪範五行傳說灾



異後事同郡簡卿簡卿者兒寬門人勝又從歐陽氏問為學精孰善說禮服徵為博士宣帝時呂尚書授太后遷長信少府賜爵關內侯受詔撰尚書論語說建自師事勝及歐陽高左右采獲又從五經諸儒問與尚書相出入者牽引呂次章句具文飾說勝非之曰建所謂章句小儒破碎大道建亦非勝為學疏畧難呂應敵建卒自顯門名經為議郎博士至太子少傅見本傳勝嘗於獄中授黃霸經繫再更冬講論不怠亦見本傳

案勝本傳呂建為勝從父子儒林傳又言勝傳從兄子建疑不能明也釋文敘錄云建勝從父兄子今從之

孔安國 孔延年 安國字子國孔子十一世孫也延年安國兄子皆呂治尚書為博士安國仕至臨淮太守孔氏又

有古文尚書安國呂今文讀之因呂起其家遭巫蠱之亂未立於學官見儒林及孔光傳安國又受詩於魯申公亦見儒林傳

案孔光傳云忠生武及安國武生延年則延年安國兄子也乃史記孔子世家云忠生武武生延年及安國則延年侶安國之兄矣釋文敘錄呂安國為孔子十二世孫蓋取史記但史記敘世系多錯誤而孔光夫子後人其傳必有所據今從之家語增錄亦呂武為子國為兄弟然云子國孔子十二世孫則非

又案子國初受伏生尚書其為博士呂伏生尚書也詳見下

孔霸 字次孺延年子也治尚書與周堪皆事夏侯勝霸



為博士堪譯官令論於石渠經最高後霸為大中大夫授  
皇太子經遷詹事高密相元帝即位巨師賜爵關內侯號  
褒成君見孔光傳

孔光 字子夏孔子十四世孫也孔子生伯魚鯉生子  
思伋伋生子上帛帛生子家求求生子真箕箕生子高穿  
穿生順順為魏相順生鮒鮒為陳涉博士死陳下鮒弟子  
襄為惠帝博士襄生忠忠生武及安國武生延年安國延  
年皆武帝博士延年生霸昭帝博士霸傳子光成帝初舉  
為博士仕至丞相封博山侯徙為帝太傅又徙太師見儒  
林及本傳

案本傳與史記世家不同已見前伯魚一世也子思二  
世也子上三世也子家四世也子真五世也子高六世

也順七世也鮒八世也襄九世也忠十世也武與安國  
十一世也延年十二世也霸十三世也光十四世也又  
帛世家作白禮記檀弓亦作白疑帛古通用字

牟卿 名字里居皆無攷治尚書與許商皆事周堪牟卿  
為博士見儒林傳

許商 字長伯長安人從周堪受尚書堪與孔霸俱事夏  
侯勝商善為算箸五行論歷仕至九卿授沛唐林子高平  
陵吳章偉君重泉王吉少音齊焮欽幼卿見儒林傳

音案溝洫志成帝初丞相御史白博士許商治尚書善為  
算能度功用遣行視是商元成間博士也

吳章 焮欽士章字偉君平陵人欽字幼卿齊人皆從  
許商受尚書為博士商號其門人唐林為德行吳章為言



言語王吉為政事炅欽為文學王莽時林吉為九卿自表  
上師冢大夫博士郎吏為許氏學者各從門人會車數百  
輜儒者榮之章欽徒眾尤盛章為王莽所誅見儒林傳炅

音桂

張山拊字長賓平陵人治尚書事夏侯建為博士論石渠

仕至少府授同郡李尋子長鄭寬中少君山陽張無故子

儒信都秦恭延君陳留假倉子驕無故善修章句為廣陵

太傅字小夏侯說文恭增師法至百萬言為城陽內史倉

臣謁者論石渠至膠東相尋善說災異為騎都尉見儒林

傳

鄭寬中一字少君平陵人治尚書事張山拊博士授太子

成帝即位賜爵關內侯遷光祿大夫領尚書事見儒林傳

馮賓魯人從秦恭受尚書為博士見儒林傳

案臣上諸人所傳皆伏生尚書也史記儒林傳云伏生

教濟南張生及歐陽生歐陽生教千乘兒寬寬既通尚

書臣文學應郡舉詣博士受業孔安國位至御史大夫

案寬所受伏生尚書也蓋張生亦為博士自此之後魯

周霸孔安國雒陽賈嘉頗能言尚書事是安國本傳伏

生尚書者班氏於周霸下刪孔安國三字非也後安國

又從魯共王得壁中所藏古文遭亂未得立臣授都尉

朝而司馬遷亦從安國問故書載堯典禹貢洪範微子

金縢諸篇多古文說朝授膠東庸生庸生授清河胡常

常臣明毅梁春秋為博士常授號徐教授王璜平陵

塗暉子真暉授河南桑欽君長王莽時諸學皆立劉歆



為國師璜惲等皆貴顯見儒林傳贊又云平帝又立古文尚書是當時有古文尚書博士特其人姓名里居無可攷耳

後漢書賈逵父徽受古文尚書于塗惲惲即惲也字形相似

詩

申公名培魯人少與楚元王交俱事齊人浮丘伯受詩伯者孫卿門人也漢興高祖過魯申公弟子從師入見於魯南宮吕后時伯在長安楚元王遣子郢客與申公俱卒學文帝間申公為詩最精吕為博士元王薨申公隨郢客歸郢客嗣立命申公傳太子戊戊不好學病申公及立胥靡之申公歸魯居家教授弟子自遠方至者千餘人申公獨吕詩經為訓故亡傳疑者則闕弗傳武帝即位申公弟子蘭陵王臧為郎中令代趙綰為御史大夫請立明堂

吕朝諸侯不能就其事迺言師申公武帝使使束帛加璧安車蒲輪迎申公至武帝問治亂之事申公時已八十餘對曰為治者不在多言顧力行何如耳是時武帝方好文學見申公對默然然已招致即吕為大中大夫舍魯邸久之病免歸弟子為博士者十餘人見儒林及楚元王傳儒林傳又云申公卒吕詩春秋授而瑕丘江公盡能傳之徒眾最盛及魯許生免中徐公皆守學教授

周 霸 夏 寬 魯 賜 繆 生 徐 偃 闕門慶

忌 霸魯人賜碭人生蘭陵人寬偃慶忌無可攷皆從申公受詩為博士見儒林傳

韋賢 字長孺魯國鄒人楚元王傳韋孟五世孫也治詩事博士大江公及魯許生兼通禮尚書吕詩教授號偃鄒







淮陽中尉授兄子游卿為諫大夫臣詩授元帝見儒林傳  
唐長賓 東平人治詩事王式為博士仕至楚太傅見儒林  
傳

褚少孫 沛人治詩事王式為博士見儒林傳

許晏 陳留人治詩事張生兄子游卿為博士見儒林傳

薛廣德 字長卿沛郡相人事王式臣詩教授楚國龔勝舍

師事焉蕭望之為御史大夫薦為博士論石渠仕至御史

大夫見儒林及本傳

龔舍 字君倩楚人與龔勝相友竝著名節世謂之楚兩

龔皆從薛廣德受詩舍臣勝薦徵為諫大夫病免復徵為

博士又病去哀帝拜為泰山太守數月乞骸歸又徵為光

祿大夫終不肯起舍通五經臣詩教授見儒林及本傳

江生 史失其名後漢書卓茂傳云元帝時學於長安事

博士江生習詩禮及歷算究極師法

案瑕丘江公本受詩於魯申公家傳其業世為魯詩宗

此江生疑即其後人也

右師細君 包咸師也咸少為諸生受業長安師事博士右

師細君習魯詩論語見後漢書儒林傳李賢注云右師姓

案右師不詳其名細君當是其字里居時代皆無可攷

但據傳云包咸王莽末去歸鄉里則細君為博士蓋在

哀平間

賴固生 齊人治詩景帝時為博士後臣固廉直拜為清河

太傅疾免武帝即位復臣賢良徵諸儒多嫉毀固曰固老

罷歸之時固已九十餘公孫弘亦徵八目而視固曰公孫



子務正學臣言無曲學臣阿世諸齊人臣詩顯貴皆固之弟子也夏侯始昌最明見儒林傳

后倉 東海郟人事夏侯始昌始昌通五經倉亦通詩禮為博士至少府授翼奉蕭望之匡衡見儒林傳

白奇 字里無可攷蕭望之傳云治齊詩事后倉且十年臣令詣太常受業復事同學博士白奇師古曰常同於后倉受業而奇後為博士則奇亦后倉弟子也

翼奉 字少君東海下邳人治詩與蕭望之匡衡同師衡為後進望之施之政事而奉愔學不仕好律歷陰陽之占元帝初諸儒薦之徵待詔數言事宴見天子敬焉及衡為丞相奏從南北郊其議皆自奉發之臣中郎為博士見本傳

匡衡 字稚圭東海承人好學精力過絕人諸儒為之語曰無說詩匡鼎來匡說詩解人頤射策甲科臣不應令除為太常掌故調補平原文學蕭望之奏衡經學精習說有師道可觀覽宣帝不甚用儒遣歸官元帝初樂陵侯史高薦為郎中遷博士仕至丞相封樂安侯子咸亦明經歷位九卿家世多為博士者見本傳

師丹 字仲公琅邪東武人治詩事匡衡舉孝廉為郎元帝末為博士免成帝建始中州舉茂材復補博士臣哀帝太傅仕至大司空封高樂侯見本傳

韓嬰 韓商 燕人商嬰孫也嬰文帝時博士仕至常山太傅嬰推詩人之意而作內外傳數萬言頗與齊魯殊然歸一也淮南貢生受之韓生亦臣易授人推易意而為



之傳燕趙間好詩故其易微唯韓氏自傳之武帝時嬰嘗與董仲舒論於上前其人精悍處事分明仲舒不能難也後其孫商為博士宣帝時涿郡韓生其後也呂易徵待詔殿中曰所受易即先太傅所傳也嘗受詩不如易深故專傳之司隸校尉蓋寬饒本受易於孟喜見涿韓生說易而好之即更從受焉見儒林傳

食子公 河內人從蔡誼受詩為博士誼河內温人同郡趙子趙子事燕韓生誼呂明經給事大將軍幕府久之詔求能為韓詩者徵誼待擢為光祿大夫給事中進授昭帝仕至丞相封陽平侯見儒林及蔡誼傳宋氏祁云食音嗣案此韓生疑即韓嬰之孫商故曰燕韓生所呂別於涿韓生也

待疑當作特

王吉 字子陽琅琊皋虞人少與食子公同受詩於蔡誼好學兼通五經能為騶氏春秋呂詩論語教授舉孝廉為郎遷雲陽令舉賢良為昌邑中尉昌邑王嗣昭帝後呂行淫亂廢吉呂忠直數諫正得減死髡為城旦起家復為益州刺史病去官復徵為博士諫大夫見本傳  
長孫順 菑川人從王吉受詩為博士見儒林傳

王國博士姓名附  
毛公 趙人治詩為河間獻王博士授同國貫長卿長卿授解延年延年授徐敖教授九江陳俠俠為王莽講學大夫見儒林傳

案此小毛公名萇者見王國博士攷平帝時曾立毛詩博士見儒林傳贊但其人不詳



禮

德清戴氏

后倉 已見詩 漢興魯高堂生博士禮十七篇而魯徐  
生善為頌文帝時呂頌為禮官大夫傳子至孫延襄弟子  
公戶滿意桓生單次皆為禮官大夫瑕丘蕭奮呂禮至淮  
陽太守諸言為頌者由徐氏東海孟卿事蕭奮呂授后倉  
倉為博士說禮數萬言號曰后氏曲臺記授沛間人通漢  
子方戴德戴聖慶普見儒林傳師古曰頌讀與容同桓生  
單次二人

案十七篇即今之儀禮也倉雖亦呂詩教授而其學長  
於禮故儒林傳贊有禮后易楊之語至今大小戴禮記  
屹然與諸經並峙而皆出於倉則倉實禮家之大宗也  
不得呂詩家已列其姓名而此遺之

據當作璩

又案閻徵君若據云高堂生亦秦博士然漢書志傳但  
言魯高生博士禮不言為秦博士不知徵君何本

戴德 戴聖 梁人德字延君號大戴為信都太傅聖

字次君號小戴呂博士論石渠至九江太守大戴授徐良  
小戴授梁人橋仁季卿楊榮子孫師古曰子孫榮字

案釋文敘錄云禮記者本孔子門徒共撰所聞後人通  
儒各有損益陳邵周禮論序云戴德刪古禮二百四篇  
為八十五篇謂之大戴禮戴聖刪大戴禮為四十九篇  
是為小戴禮後漢馬融盧植攷諸家同異附戴聖篇章  
去其繁重及所敘畧而行於世即今之禮記是也鄭康  
成亦依馬盧之本而注焉

又案二戴皆梁人蓋兄弟故德字延君聖字次君也

長雷閣正本



慶普 字孝公沛人與大小戴同受禮於后倉為東平太傅授魯夏侯敬又傳族子咸見儒林傳

案儒林傳不言戴德慶普為博士然藝文志高堂生傳士禮十七篇訖孝宣世后倉最明戴德戴聖慶普皆其弟子三家立於學官儒林傳贊亦云孝宣立大小戴禮今據之

徐良 字游卿琅邪人治禮事戴德為博士州牧郡守家世傳業見儒林傳

案平帝時又立逸禮博士見儒林傳贊而人無可攷

春秋

胡毋生 字子都齊人治公羊春秋為景帝博士與董仲舒同師年老歸教於齊齊人言春秋者宗事之公孫弘亦頗

受焉見儒林傳

公孫弘 菑川薛人少時為獄吏有罪免家貧牧豕海上年四十餘乃學春秋雜說武帝即位弘年六十召賢良徵為博士使匈奴還報不合意移病免歸元光五年復徵賢良文學對策擢為第一召入見容兒甚大拜為博士待詔金馬門仕至丞相封平津侯見本傳

案公孫子學本不精故本傳云學春秋雜說而轅固生有曲學阿世之譏臣胡毋生傳中云公孫弘頗受焉瑕丘江公傳中又有公孫弘本為公羊學之語姑列於此董仲舒 廣川人少治公羊春秋為景帝博士與胡毋生同業下帷講誦弟子傳召久次相受或莫見其面蓋三年不窺園其精如此通五經仕至江都膠西相弟子遂之者蘭



陵褚大東平嬴公廣川段仲温呂步舒唯嬴公守學不失  
師法為昭帝諫大夫授東海孟卿及眭孟孟名弘字孟魯  
國蕃人少時好俠鬪難走馬長乃變節從嬴公受春秋見  
儒林及本傳并眭孟傳

褚大蘭陵人事董仲舒受春秋通五經武帝時為博士  
仕至梁相見儒林及兒寬傳

嚴彭祖字公子東海下邳人與顏安樂俱事眭孟孟弟子  
百餘人唯彭祖安樂為明質問疑誼各持所見孟曰春秋  
之意在二子矣孟死各顯門教授由是公羊有嚴顏之學  
彭祖為宣帝博士仕至左馮翊遷太子太傅廉直不事權  
貴或說曰天時不勝人事君臣不修小禮曲意亡貴人左  
右之助經誼雖高不至宰相願少自勉強彭祖曰凡通經

術固當修行先王之道何可委曲從俗苟求富貴乎安樂  
字公孫魯國薛人眭孟姊子也仕至齊郡太守丞見儒林  
傳

案後漢書儒林傳前胡毋子都傳公羊春秋授嬴公嬴  
公授孟卿孟卿授眭孟眭孟授嚴彭祖顏安樂彭祖為  
春秋嚴氏學安樂為春秋顏氏學又瑕丘江公傳設梁  
春秋三家皆立博士今攷前書並無此語顏安樂與瑕  
丘江公實皆未嘗為博士也

貢禹字少翁琅邪人治春秋事嬴公成於眭孟呂明經  
繫行箸聞徵為博士仕至御史大夫見儒林及本傳

疏廣字仲翁東海蘭陵人少好學從孟卿受春秋家居  
教授學者自遠方至徵為博士仕至太子太傅見儒林及



本傳

德清戴氏

江博士 周慶丁姓 江博士江公之孫也史失其名  
 慶姓皆梁人慶字幼君姓字子孫名姓丁瑕上江公受穀梁  
 春秋及詩於魯申公傳子至孫為博士武帝時江公與董  
 仲舒並仲舒通五經能持論善屬文江公叻於口武帝使  
 與仲舒議不如仲舒而丞相公孫弘本為公羊學比輯其  
 議卒用仲舒於是尊公羊家詔太子受太子既通復私問  
 穀梁而善之其後寢微唯魯榮廣王孫皓星公二人受焉  
 廣盡能傳其詩春秋高材捷敏與公羊大師眭孟等論數  
 困之故好學者頗復受穀梁沛蔡千秋及周慶丁姓皆從  
 廣受千秋又事皓星公為學最篤宣帝即位聞衛太子好  
 穀梁召問韋賢夏侯勝及樂陵侯史高皆言宜興穀梁召

千秋與公羊家並說帝善穀梁選郎十人從千秋受汝南  
 尹更始本自事千秋能說矣會千秋病死徵江公孫為博  
 士劉向召故諫大夫通達特詔受穀梁欲令助之江博士  
 復死迺徵周慶丁姓待詔保宮使卒授十人積十餘歲皆  
 明習迺召五經名儒蕭望之等大議殿中平公羊穀梁同  
 異望之等多從穀梁由是穀梁之學大盛慶姓皆為博士  
 姓至中山太傅授申章昌更始又從張禹受左氏傳取其  
 變理合者召為章句傳子咸及翟方進房鳳見儒林傳  
 胡常一字少子清河人初從江博士受穀梁春秋既又與  
 翟方進房鳳同事尹更始明習為博士部刺史又傳左氏  
 章又受古文尚書於膠東庸生授號徐敖見儒林傳  
 申章昌字曼君楚人從丁姓受春秋為博士仕至長沙太



申傳見儒林傳  
賈誼字雒陽人年十八已能誦詩書屬文稱於郡中河南  
守吳公聞其秀才召置門下文帝初立間吳公治平為天  
下第一徵為廷尉迺言誼年少頗通諸家之書文帝召  
為博士時年二十餘超遷歲中至太中大夫復為長沙梁  
王太傅見本傳  
翟方進字子威汝南上蔡人年十二三失父孤西至京師  
讀經博士受春秋積十餘年經學明習射策甲科為郎  
河平中為博士仕至丞相封高陵侯方進雖受穀梁然好  
左氏傳呂授劉歆見本傳

案方進受春秋不詳何家儒林傳言尹更始從蔡千秋  
受穀梁又受左氏傳取其變理合者呂為章句傳子咸

及翟方進則方進治左氏者攷武帝呂前博士不分經  
故賈誼習左氏傳而徵為博士則但取其能通諸家之  
書而已至成帝河平上距武帝建元已百餘年時博士  
非五經不立左氏未興方進奚呂為博士哉本傳言方  
進雖受穀梁然好左氏傳豈先受穀梁為穀梁博士後  
乃受左氏與  
息夫躬字子微河內河陽人少為博士弟子受春秋見本  
傳  
案躬受春秋亦不詳何家宣呂子微傾邪之士不足詳  
與或曰躬但為博士弟子未為博士也

王國博士姓名附  
貫公趙人治左氏春秋為河間獻王博士漢興北平侯



張蒼及梁太傅賈誼京兆尹張敞太中大夫劉公子皆修  
春秋左氏傳誼為訓故授賈公傳子長卿授清河張禹長  
子禹授尹更始更始傳子咸及翟方進胡常常授黎陽賈  
護季君護授蒼梧陳欽子佚呂授王莽而劉歆從尹咸及  
翟方進受由是言左氏者本之護歆見儒林傳

案平帝時曾立左氏春秋博士見儒林傳贊而人無可  
攷張禹字長子如淳曰非帝師張禹也儒林傳又言尹  
更始傳琅邪房鳳子元不其人呂射策乙科仕至青州  
牧始江博士授胡常常授梁蕭秉君房王莽時為講學  
大夫前後錯出釋文敘錄曰左丘明作傳呂授曾申申  
傳衛人吳起起傳其子期期傳楚人鐸椒椒傳趙人虞  
卿卿傳同郡荀況況傳武威張蒼蒼傳賈誼誼傳至其

孫嘉嘉傳趙人貫公貫公傳其少子長卿長卿傳京兆  
尹張敞及侍御史張禹禹傳尹更始更始傳其子咸及  
翟方進胡常常授賈護護授陳欽又與儒林傳微有異  
同然賈誼文帝時人貫公為河間獻王博士在景帝之  
初而呂為誼傳至孫嘉嘉乃傳貫公殊不可信

襍博士

叔孫通 薛人秦二世博士高祖二年降漢拜為博士號稷  
嗣君與弟子儒生百餘人共起朝儀七年拜為奉常見本  
傳

孔襄 孔子八世孫鮒弟之子也名騰蓋以字行字子襄

為惠帝博士仕至長沙王太傅見孔光傳

公孫臣魯人文帝十三年上書曰始秦得水德及漢受之



推終始傳則漢當土德土德之應黃龍見宜改正朔色上黃丞相張蒼曰為非是罷之明年黃龍見成紀文帝召公孫臣拜為博士與諸生申明土德草改歷服色事見郊祀志

案高帝惠帝文帝時尚未專立五經三人為博士最早

狄山 武帝時博士見張湯等傳  
終軍 字子雲濟南人年十八選為博士武帝時見本傳  
平 不著姓儒林傳序云公孫弘與太常臧博士平等

議武帝時  
中 不著姓武帝紀元狩二年遣博士中等分循行諭

告  
臣 霸 不著姓疑即孔霸或周霸也

雋 舍 師古曰雋姓舍名

臣 德 不著姓

虞 舍

臣 射 不著姓

臣 倉 不著姓

案以上六人皆見霍光傳昭帝末宣帝初博士也

賞 不著姓元帝紀建昭四年臨遣博士賞等循行天

下

案韋玄成傳兄弘子賞亦明詩哀帝為定陶王時賞為

太傅此博士未知即韋賞否但傳不言賞為博士

嘉 不著姓成帝紀河平四年遣博士嘉等行舉瀕河

之郡



馮勝 成帝時博士也見元后傳

伏湛 字惠公琅邪東武人伏生勝子賤九世孫也父理為當世名儒臣詩授成帝為高密太傅別自名學湛少傳父業教授數百人成帝時臣父任為博士弟子光武時為大司徒封陽都侯徙不其侯見後漢書本傳

案伏氏世傳今文尚書然伏理已受詩匡衡臣授成帝矣則未知湛所習者為今文尚書也為齊詩也

申咸 東海人哀帝初博士見薛宣師丹等傳

左咸 哀帝時博士見韋玄成傳

夏侯常 哀帝時博士見兩龔傳

王咸 濟南人哀帝時博士弟子見鮑宣傳

薛順 平帝時博士見郊祀志

郭路 平帝時博士見王充論衡

臣賢 不著姓藝文志雜家博士臣賢對一篇注云漢世難韓子商君

杜參 藝文志賦家博士弟子杜參賦二篇師古曰劉向別錄云臣向謹與長社尉杜參校中祕書劉歆又云參杜陵人呂陽朔元年病死年二十餘

案二人皆不詳里居志亦不言何時人據顏注知參元成間杜陵人而賢則無可攷或疑即韋賢

孔衍 家語後序孝成皇帝詔光祿大夫劉向校定眾書都記錄名古今文書論語別錄子國孫孔衍為博士上書辨之



明時成帝時博士也見元后傳

伏雜注 李惠公撰雜東漢人伏生傳云漢九章書也

猶言難字古今文書論語隱語下因鄭氏注論語上書

凡文辭之奇語皆承先皇帝臨其辭大夫隱向林亦書

大如闕林對不而實用無何如也疑明章節

案二人皆不指里語志亦不言何胡人疑蘇封既參元

則入自胡語乎平海至平二十篇也

申保難云西向語與尋疑楊林參林申如書隱語又云參林

林 漢大志越家新士參平林參版二高強古曰隱

漢韓子商文

漢西京博士攷二帝新制士具王良信辭



終



